

摘藻堂四庫全書薈要

史部

欽定四庫全書叢要

史部

文獻通考卷六十四

詳校官員外郎臣潘紹觀



欽定四庫全書薈要卷九千三百八十四

史部

文獻通考卷六十四

鄱陽馬端臨貴與著

職官考十八

文散官

開府儀同三司

漢文帝元年始用宋昌為衛將軍位亞三司後漢章帝建初三年始使車騎將軍馬防班同三司同三司之名

自此始也。殤帝延平九年，鄧騭為車騎將軍，儀同三司。
儀同之名自此始也。

又獻帝以伏完為輔國將軍，儀比三司。

魏黃權以車

騎將軍開府，儀同三司。開府之名自此始也。漢末奮威將軍晉江右伏波輔國將軍並加大，而儀同三司江左以來將軍則中鎮撫四鎮以上，或加大餘官則左右光祿大夫以上並得儀同三司。齊開府儀同三司如公梁開府儀同三司位次三公，諸將軍左右光祿大夫優者則加之同三公置官屬。自晉以來，又有如開府同三司。

之儀者自羊祜始焉

漢末呂布開府如三司其他無聞至晉羊祜為車騎將軍荊州諸軍

事加開府如同三司之儀累年謙讓不辟士不備僚屬

及始有所命辟士未到而卒不得除署後當陽侯杜元

凱表哀其家無子嗣官無

江左亦多有之

梁沈約為侍中右光祿大

命士請更議之詔不許

夫徐勉為約請三司之儀武帝不許又邵陵王綸為平

南將軍湖州刺史王茂為使持節散騎常侍驃騎將軍

並同三

後魏亦有之普泰初特以爾朱世隆為儀同三

司之儀

司位次上公北齊亦有儀同三司者

任城王湣等諸王多為之潛戶皆反

又有開府儀同三司及儀同三司後周建德四年改開

府儀同三司為開府儀同大將軍仍增置上開府儀同

大將軍又改儀同三司為儀同大將軍仍增置上儀同

大將軍隋文帝並以為散官又諸衛各置開府

左勳衛開府右

翊一開府二開府三開府及武衛武侯領軍東宮領兵開府准此

府置開府一人又有

儀同府儀同以下置員與開府同初開府儀同三司為

四品散實官至煬帝又改為從一品同漢魏之制位次

三公唐武德七年改上開府儀同三司為上輕車都尉

開府儀同三司為輕車都尉儀同三司為騎都尉後又

以開府儀同三司為文散官開元以前舊例開府特進

雖不帶職事皆給俸祿得與朝會班列依本品之次皆
崇官盛德罷劇就閒者居之

天寶六載正月制內外文武五品以上官父祖資廕

者其所用廕宜同
子孫用廕之例

宋制祖宗時以節度使兼中書令或侍中或中書門下
平章事皆謂之使相以待勲賢故老及宰相久次罷政
者隨其舊職或檢校官加節度使出判大藩通謂之使
相故事宰相去位例進官一等或易東宮三少惟趙普
以開國舊臣在相位久故以使相罷蓋異恩也其後呂

夷簡王欽若罷相皆以為例元豐新官制始改為開府儀同三司舊制勅出中書門下故事之大者使相係銜至是皆南省奉行則開府不預矣八年鎮江軍節度使檢校太傅韓絳為開府儀同三司判大名府元祐五年太師平章軍國重事文彥博為開府儀同三司守太師充護國軍山南西道節度使致仕自崇寧五年司空左僕射蔡京為開府儀同三司安遠軍節度使中泰一宮使其後故相而除則有劉正夫余深前執政則有蔡攸

梁子美外戚則有向宗回宗良鄭紳錢景臻殿帥則有
高俅內侍則有童貫梁師成名器至此輕矣紹興後呂
頤浩韓世忠皆以開府儀同三司除少保

按三朝國史職官志敘元豐寄祿新格以階易官
謂開府儀同三司即舊使相然使相者是以侍中
中書令平章事加節度使之謂也自唐至宋皆有
之而事體微不同唐則多以同平章事加節度使
之立勲勞而久任者蓋將而寵以相之名也宋則

多以節度使加平章事之有德望而罷政者蓋相而寵以將之名也合而言之蓋位兼將相品極文武之稱今既曰以開府儀同三司易使相矣然韓絳為開府而復加以鎮江之節文彥博為開府而復加以護國山南之節蔡師為開府而復加以安遠之節則是且為開府且為使相而使相之名未嘗廢矣又況神宗更官制之本意實以三省寺監之官無職掌為非遂欲易而正之如改左右僕射

為特進則遂以僕射為宰相之職改左右丞為光祿大夫則遂以左右丞為執政之職今節度使之在宋其無職掌與開府儀同三司一也何須以開府易之況有開府之後宰相之除節度使元未嘗廢乎竊疑開府儀同三司特專以易三省長官

尚書

令中書
令侍中

而於使相節度使無預張演著職官記敘

元豐新官而并著舊官於開府儀同三司之下只注舊官云中書令侍中同中書門下平章而不言

使相雖與史志不合似為得之

特進

漢制諸侯功德優盛朝廷所敬異者賜位特進位在三公下故成都侯王商以特進領城門兵置幕府得舉吏如將軍是也後漢皇后父兄率為特進侯朝會位次三公

隋志曰特進舊位從公光武以鄧禹列侯就第特進奉朝請是特進引見之稱無官定體也

而實

薦進位特進得舉吏見禮依三公自二漢及魏晉以為加官從本官車服無吏卒太僕羊琇遜位拜特進加散

騎常侍無餘官故給吏卒車服其餘加特進者唯食其
祿賜列其班位而已不別給特進吏卒車服晉惠帝元
康中定令特進位次諸公在開府驃騎上冠進賢兩梁
冠黑介幘五時朝服佩水蒼玉

食俸日四斛太康三年
始賜春絹五十疋秋絹

五十疋綿百五十斤元康元年給菜田八頃田騎八人
立夏後不及田者食俸一年置主簿功曹史門亭長門
下書佐各一人給安車黑耳駕

御一人輅車施耳後戶一乘無章綬齊時位從公陳

因之後魏北齊用人皆以舊德就間者居之隋文帝為
散官不理事煬帝即位廢特進官唐為文散官

餘見開
府門

宋制左右僕射為宰相官元豐更官制乃以特進換之時王安石獨改特進至政和後薛昂帶觀文殿學士位特進白時中以門下侍郎帶特進皆失舊制繼紹聖改金紫光祿大夫今後特進非宰相不除

光祿大夫以下

秦時光祿勳屬官有中大夫漢武帝太初元年更名光

祿大夫

漢志曰夫者扶也膚也詩曰殷士膚敏灌將于京明當以其肌膚知能侍君父也

銀章

青綬掌議論屬光祿勳門外特施行馬以旌別之無常

事唯顧問應對詔命所使無員後漢光祿大夫三人凡諸國嗣王之喪則掌弔多以為拜假賄贈之使及監護喪事魏氏以來無員轉優重不復以為使命之官其諸公告老皆家拜此位及在朝顯職復用加之

魏文帝以楊彪為光

祿大夫賜几杖衣袍因朝會引見令楊彪著布單衣鹿皮冠杖而入待以賓客之禮

及晉受命置

左右光祿大夫假金章紫綬而光祿大夫如故加金章紫綬並與卿同進賢兩梁冠黑介幘五時朝服佩水蒼玉并祿賜班位吏卒皆與特進同復以為優崇之制而

諸公遜位不復加之其以為加官者唯假章綬祿賜班位而已不別給車服吏卒也或更拜上公或以本封食公祿其諸卿尹中朝大官年老致事及內外之職加此者前後甚衆由是或因得開府或進加金章紫綬又復以為禮贈之官本已有卿官者不復重給其餘皆假其假銀章青綬者位在金紫將軍下諸卿上泰始中唯太子詹事楊珧加給事中光祿大夫加兵之制諸所供給依三品將軍

晉宣帝子平原王幹拜光祿大夫加侍中特假金章紫綬班次三司

其餘自

如舊制終武惠孝懷三世

食俸日三斛太康二年始給春絹五百疋綿百斤惠帝元

康元年始給菜田六頃田騶六人置主簿功曹史門亭長門下書佐各一人

宋氏因之齊左

右光祿大夫皆據舊齒位從公開府置佐吏如公年重

加親信二十人魏晉以來無員以左右光祿大夫光祿

大夫皆銀章青綬其重者詔加金章紫綬則謂之金紫

光祿大夫其重者既有金紫之號故謂本光祿為銀青

光祿大夫

晉時王翹之為銀青光祿大夫

樂安任遐為光祿就王晏乞

一片金晏乃啟轉為金紫是也猶屬光祿勳梁又有左

右金紫光祿大夫視吏部尚書左右光祿大夫視諸曹

並養老病陳因之自晉以後多為兼官後魏有光祿大

夫金紫銀青光祿大夫北齊皆以舊德就閒者居之與

特進同後周有左右金紫左右銀青四光祿大夫隋有

光祿大夫左右光祿大夫皆為散官不理事唐初猶有

左右之名貞觀以後唯曰光祿大夫金紫光祿銀青光

祿並為文散官

按前代光祿大夫始加金章紫綬及銀章青綬者並尊崇之皆在光祿之上後

魏定令悞遂因仍不改

宋元豐更官制以金紫光祿大夫換吏部尚書銀青光

祿大夫換五部尚書

時宰相王珪任禮部侍郎同平章事上以珪久不進官因改官制乃

特授銀青光祿大夫

光祿大夫換尚書左右丞

宣奉大夫 正奉大夫二階古無之宋大觀間新置

正議大夫隋散官蓋取秦大夫掌論議之義唐因之

宋元豐更官制以正議大夫換六部侍郎并作一等時

議以為宰執貪進官作此蓋故事丞郎作四轉今乃減

作兩轉耳

通奉大夫古無此階宋大觀間新置

通議大夫隋散官義與正議同唐因之

宋元豐更官制以通議大夫換給事中

太中大夫秦官亦掌議論漢因之

哀帝初立御史大夫王嘉奏曰蘇令發起

為盜欲遣大夫使時見大夫無可使者召蓋屋令尹逢拜為諫議大夫遣之今諸大夫有才者甚少宜預畜養也

後漢置二十人

張湛拜太中大夫居中東門候舍故人號為中東門君又隗囂廣置職位

以自高鄭興止之曰夫太中大夫使持節官皆王者之器非人臣所當置也胡廣云諫議光祿太中中散大夫此四等於古禮皆天子之下大夫列國之上卿魏以來無員晉視中丞吏部絳

朝服進賢一梁冠介幘太始末詔除王覽為太中大夫
祿賜與卿同梁北齊唐皆因之

宋元豐官制行以太中大夫換諫議大夫神宗以寄祿
官等級減少遂以太中大夫為宰相官故蔡確時任右
諫議大夫參知政事先換太中大夫及拜相則依前太
中大夫守尚書右僕射兼中書侍郎遂為定制其後又

以太中大夫以上為侍從官

元豐中自太中大夫至金
紫止六階昔之五部尚書

今為一官六部侍郎為一官是十一官併為兩官矣左
右丞左右諫議亦併四官為兩官其後增置通奉正奉

宣奉三階自太中大夫
以上惟宰執侍從得遷

中大夫秦官漢武改為光祿大夫自後無聞北齊有之

唐又置

龍朔二年七月制諸王嫡子封郡王者出身從四品下敘

宋元豐更官制以中大夫換祕書監而殿中監本一等
其時偶闕任殿中監者故只著祕書監神宗以太中大
夫為宰相官故初除執政只授中大夫是時拜翰林學
士蒲宗孟王安禮為左右丞二公寄祿官皆未至大夫
只除中大夫守之

中奉大夫古無此階宋大觀間新置

中散大夫王莽所置後漢因之復置三十人

漢官曰光武中興置

魏晉無員齊梁視黃門侍郎品服冠幘與太中同陳及唐皆有之

朝議大夫隋置散官以取漢諸大夫得上奉朝議為名唐因之

宋元豐更官制以朝議大夫換左右司郎中

侍從

太常少

卿館職光祿少卿

凡出身廕補又元豐中自朝議至中大夫三階後增至中奉奉直大夫兩階蓋

祖宗舊制有出身人自郎中三遷至祕書監磨補人自郎中五遷至祕書監今增置奉直中奉而有出身人不遷中散奉直猶舊制也侍從官在祖宗時自郎中再遷即為諫議大夫是以朝議大夫逕遷太中大夫今亦遷中奉大夫

非舊制也

朝議大夫以上係卿監

奉直大夫古無此階宋大觀間新置

朝請大夫隋置散官取漢將軍公卿年高德重者以列侯就第特進奉朝請之義唐因之

龍朔置諸王衆子封郡公者出身從五品

上敘

宋元豐更官制以朝請大夫換前行郎中

朝散大夫隋置散官唐因之

宋元豐更官制以朝散大夫換中行郎中

朝奉大夫古無此階宋元豐更官制以朝奉大夫換後

行郎中

官制舊典云故事若各曹謂兵刑工部也及司封司勳度支金部祠部主客雖轉正郎亦不呼

郎中只稱其曹名以示其出常調也自改大夫更無別異且古大夫猶今之執政侍從也書所謂日宣三德者是焉曲禮曰四郊多壘卿大夫之辱也由此觀之豈宜換授庶僚耶在漢晉間只有光祿太中大夫中散大夫為侍從官當論思獻納之任至隋唐增名作階已非所宜今乃易少卿監郎中是輕其名器也

夫以上係正郎

王氏揮麈錄曰更官制後惟光祿大夫及中散朝
議二大夫分左右增磨勘而已初非以科第也元
祐間范忠宣當國始帶左右紹聖初罷去事見常
希古奏疏大觀又置中奉奉直二大夫撤中散朝
議左右字紹興初編修官楊愿啟請再分左右自
是以出身為重

朝議郎以下

朝議郎隋置散官唐因之

顯慶五年制郎公
出身正六品下敘

宋無

朝請郎隋置散官蓋採晉及六朝並有奉朝請為名唐

因之

顯慶制侯出身
正七品上敘

宋元豐更官制以朝請郎換前行員外郎侍御史

朝散郎隋置散官唐因之

顯慶制伯出身正七品下
敘子出身從七品上敘

宋元豐更官制以朝散郎換起居舍人及中行員外郎
朝奉郎古無此階宋元豐更官制以朝奉郎換左右司
諫及後行員外郎朝奉郎以上係員外郎

承議郎隋有承議郎為散官唐因之

品與朝議郎同

宋元豐更官制以承議郎換左右正言太常國子博士

奉議郎隋置通議郎為散官

隋文帝於吏部別置朝議通議朝請朝散給事承事

儒林文林等八郎武騎屯騎驍騎遊騎飛騎旅騎雲騎羽騎八尉其品則正六品以下從九品以上皆為郎下皆為尉散官番直常出入使監檢至煬帝皆罷唐改通議為奉議郎

顯慶制縣公出

身從六品上敘

宋元豐更官制以奉議郎換太常祕書殿中丞著作郎

通直郎隋置三十人蓋採晉宋以來諸官皆有通直謂

官高下而通為宿直也因此為名唐因之

宋元豐更官制以通直郎換太子中允贊善大夫洗馬
自通直郎以上係陞朝官

宣教郎隋置宣德郎為散官唐因之

品與朝
散郎同

宋元豐更官制以宣德郎換著作佐郎大理寺丞政和
間避宣德門改為宣教郎

宣義郎隋有游騎尉為散官唐改為宣義郎蓋取梁宣

義將軍之名

顯慶制男出身
從七品下敘

宋元豐更官制以宣義郎換光祿衛尉寺將作監丞
給事郎 徵事郎二階隋散官唐因之

宋無

承事郎古無此階宋元豐更官制以承事郎換大理評
事為狀元及第宰相任子之初官

承奉郎隋置散官唐因之

宋元豐更官制以承奉郎換太祝奉禮郎執政任子初
官

承務郎唐置蓋因隋尚書省三十四司承務郎之名

宋元豐更官制以承務郎換校書郎正字將作監主簿
自承務郎以上係京官

承直郎古無此階宋崇寧定選人七階以承直郎換留
守節察判官

按元豐未改官制之先大率以職為階官以宰執

言之如吏部尚書

階官

同中書門下平章事

職

尚

書禮部侍郎

階官

參知政事

職

之數是也然所謂

吏部尚書禮部侍郎者未嘗專有所係屬治其事則以為職不治其事則以為階官猶云可也獨選人七階則皆以幕職令錄之屬為階官而幕職令錄則各有所係屬之監司州縣遂至有以京西路某縣令為階官而為河北路轉運司勾當公事者有以陝西路某軍節度判官為階官而為河東路某州州學教授者有以無為軍判官為階官而試祕書省校書郎者其叢雜可笑尤甚元豐時未暇

革正至崇寧二年刑部尚書鄧洵武極言其事遂以承直郎以下七階換之

儒林郎隋置散官蓋取前史儒林傳之義唐因之

宋崇寧初以儒林郎換節察掌書記支使防團判官

文林郎隋置散官蓋取北齊文林館徵文學之士以充之義唐因之

宋崇寧初以文林郎換留守節察推官軍監判官

從事郎古無此階宋崇寧定選階以從事郎換防團推

官監判官

從政郎古無此階宋崇寧定選階初以通事郎換錄事
參軍縣令政和間改通事郎為從政郎

修職郎唐置登仕郎

宋崇寧初以登仕郎換知錄事參軍知縣令政和間改
登仕郎為修職郎

迪功郎隋置將仕郎為散官唐因之

宋崇寧初以將仕郎換軍巡判官司理司法司戶簿尉

以上七階係選人用舉考及功賞改官政和既以從政修職迪功郎易通仕登仕將仕郎其通仕登仕將仕三階係奏補未出官人

右宋初省臺寺監之官特以寄祿皆不領本職元豐三年始按唐六典肇新官制凡省臺寺監領空名者一切罷去而易之以階文階自開府至將仕為二十四崇寧大觀政和相繼潤色之紹興舉行元祐之法分置左右詞人為左餘人為右淳熙初

乃去左右字今任子雜流惟細轉通直郎奉直中
散二大夫有出身人不轉若帶貼職則超資京官以上四
年一轉無出身人逐資轉有出身人超資轉至奉
議並逐資轉至朝議大夫有止法仍七年一轉

武散官

驃騎將軍

漢武帝元狩二年始用霍去病為驃騎將軍定令驃
騎將軍秩祿與大將軍等光武中興以景丹為驃騎大

將軍位在三公下明帝初即位以弟東平王蒼有賢才

以為驃騎將軍以王故位在公上

蒼為驃騎輔政開東閭延英雄及蒼歸國

有驃騎時吏斗食周相以蒼敬賢下士不忍去之

遂為王家大夫數十年事祖及孫帝聞褒美之

數年

復罷

其官屬附見大將軍後

魏晉齊並有之梁雜號中亦有陳後

主以蕭摩訶為侍中驃騎大將軍加左光祿特開黃閣
施行馬廳事寢堂置鴟尾如三公制後魏初加大則在
三司上太和中制加大則在都督中外諸軍下後周亦
有之隋開皇中置驃騎將軍府每府置驃騎車騎將軍

各二人十七年頒銅獸符於驃騎車騎府煬帝改驃騎為鷹揚郎將改車騎為鷹揚副郎將唐復改為車騎驃騎其制如開皇而益復微矣故武德元年詔以軍頭為驃騎將軍軍副為車騎將軍又詔太子諸率府各置驃騎將軍五員車騎將軍十員後皆省之顯慶元年乃復置驃騎大將軍為武散官

輔國將軍

後漢獻帝置輔國將軍以伏完為之晉王濬平吳後拜

輔國大將軍有司奏輔國依比未為達官不置司馬不給官騎詔依征鎮給五百大車增兵五百人為輔國營給親騎百人官騎十人置司馬宋明帝泰始四年改為輔師將軍後廢帝昱元徽二年復故梁後魏後周隋並有之唐輔國大將軍為武散官

鎮軍將軍以下

鎮軍大將軍魏置文帝以陳羣為之晉則楊駿胡奮並領鎮軍將軍齊後周隋亦有之唐因之

冠軍將軍魏置以文欽為之蓋因史記楚義帝以宋義

為卿子冠軍漢武帝以霍去病功冠三軍封冠軍侯之

義也晉亦有之金章紫綬給五時朝服武冠佩水蒼玉

歷代並有

隋文帝置翊軍等四十三號將軍品凡十六等為散號將軍以加汎授居曹有職務者為

執事官無職務者為散官武官上柱國以下為散實官將軍為散號官至煬帝時定令罷之

唐因之

雲麾將軍梁置雜號陳及唐並有之

忠武將軍梁置雜號陳有之唐因之

壯武將軍梁置雜號陳有之唐因之

宣威將軍唐置

明威將軍梁置雜號後魏亦有之唐因之

定遠將軍梁置雜號唐因之

寧遠將軍晉置唐因之

游騎將軍魏置陳有之唐因之

游擊將軍漢置武帝以蘇建韓說為之後漢鄧晨亦為之晉及陳並有之唐因之又置懷化大將軍歸德將軍以授蕃官

諸校尉

漢武帝初置中壘屯騎步兵越騎長水胡騎射聲虎賁

等校尉為八校各有司馬後漢以屯騎越騎步兵長水

射聲為五校皆掌宿衛兵

按大駕鹵簿五校尉在前各有鼓吹一部

各有司

馬

蔡質漢儀曰五營司馬見校尉執版不拜

並屬北軍中候時五校官顯職

閒而府寺寬敞輿服光麗伎巧必給故多以皇族肺腑

居之至靈帝又置西園八校尉

其名曰上軍中軍下軍典軍助軍佐軍及左右

校尉自魏晉以下五校之名與後漢同唯後魏五校各置

二十人

中壘校尉

漢掌北軍營壘門內又外掌西域後漢省中壘但置北門中候掌監五營

屯騎校尉

漢掌騎士後漢初改為驍騎建武十五年復舊

步兵校尉

漢掌上林苑門屯兵晉阮籍聞步兵厨營人善釀有貯酒三百斛求為之至隋屬鷹揚府

越騎校尉

漢掌越騎越人內附以為騎也後漢初改為青巾右校尉建武十五年復舊

長水校尉

漢掌長水宣曲胡騎宣曲觀名胡騎之屯於宣曲者宋志引韋昭曰長水校尉有胡騎廐

近長水故以為名長水蓋關中小水名也又主烏桓騎也

胡騎校尉

漢掌池陽胡騎不常置胡騎之屯池陽者後漢并長水也

射聲校尉

漢掌待詔射聲士工射者冥冥中聞聲射則中之因以名也須待命而射故曰待詔射聲

虎賁校尉

漢掌輕車後漢并射聲

城門校尉

漢掌京師城門屯兵凡八屯後漢掌雒陽城門十一所若周禮司門子實注曰如今校尉

驃姚校尉

漢武以霍去病為之

護烏桓校尉

漢武帝時烏桓屬漢始於幽州部置之擁節監領至後漢亦謂之領烏桓校尉後漢

主烏桓胡并領鮮

卑李膺為此官

戊己校尉

漢元帝初元元年置甲乙丙丁庚辛壬癸皆

居故取戊己為名一說戊己居中鎮覆四方漢所置校尉亦處西域之中撫諸國也

護羌校尉

後漢涼州部持節職如護烏桓主西羌元康中改為涼州刺史

儒林校尉

蜀先主以周羣為之

南蠻校尉

晉武帝於襄陽置之元康中荊州刺史領江

史多不領南蠻別以重人居之唯齊豫章郡王嶷為南蠻校尉荆湘二州刺史

南夷校尉

晉武帝於寧州置之及江左改曰鎮蠻校尉

西戎校尉

晉武帝於長安置之元康中改為雍州刺史安帝義熙中又置治漢中

寧蠻校尉

晉安帝置治襄陽以授魯宗之

護三巴校尉

宋置齊建元二年改為刺史

武騎尉 屯騎尉 驍騎尉 游騎尉 飛騎尉 旅

騎尉 雲騎尉 羽騎尉 建節尉 奮武尉 宣惠

尉 綏德尉 懷仁尉 守義尉 奉誠尉 立信尉

都十六尉並隋置以為武散官

昭武 振威 致果 翊衛 宣節 禦侮 仁勇

倍戎八校尉各有副尉並唐採前代諸校尉以下舊名

置自鎮軍將軍以下為武散官

右此所述唐朝武散官本通典今考新唐書百官

志兵部尚書條下載武散官共四十五階內有懷
化大將軍懷化將軍歸德大將軍歸德將軍其懷
化歸德又各有中郎將郎將司階中候司戈執戟
長上共十六階通典所不載其中壘至護三巴十
九校尉乃歷代所置即非唐散官武騎至立信十
六尉乃隋武散官亦非唐制因叙述校尉而錯見
於此耳

宋朝武選之稱自內客省至閤門使副為橫班自皇城

至供備庫使為諸司正使自皇城至供庫備副使為諸司副使自內殿承制至三班借職為使臣元豐官制行武階猶未及改政和二年乃詔易以新名正使為大夫副使為郎而橫班十二階使副亦然六年又增置宣正履正協忠翊衛親衛大夫郎凡十階通為橫班自太尉至下班祇應凡五十三階

新官

舊官

太尉

政和新置以太尉本秦主兵官遂定為武階之首

通侍大夫

內客省使

正侍大夫

延福宮使

宣政大夫

政和新置

履正大夫

政和新置

協忠大夫

政和新置

中侍大夫

景福殿使

中亮大夫

客省使

中衛大夫

引進使

翊衛大夫

政和新置

親衛大夫

政和
增置

左武大夫

東上閤門使

右武大夫

西上閤門使

正侍郎

政和
增置

宣正郎

政和
增置

履正郎

政和
增置

協忠郎

政和
增置

中侍郎

政和
增置

中亮郎

客省副使

中衛郎

引進副使

翊衛郎

政和
增置

拱衛郎

政和
增置

左武郎

東上閣門副使

右武郎

西上閣門副使

已上係
橫班

武功大夫

皇城使

武德大夫

宮苑左右騏驎內藏庫使

武顯大夫

左藏庫東西作坊使

武節大夫

莊宅六宅文思使

武畧大夫

內園洛苑如京崇儀使

武經大夫

西京左藏庫使

武義大夫

西京作坊東西染院使

武翼大夫

供備庫使

已上係諸司正使

武功郎

皇城副使

武德郎

宮苑左右騏驎內藏庫副使

武顯郎

左藏庫東西作坊副使

武節郎

莊宅六宅文思副使

武畧郎

內園洛苑如京崇義副使

武經郎

西京左藏庫副使

武義郎

西京作坊東西染院禮賓副使

武翼郎

供備庫副使

已上係諸司副使

敦武郎

內殿承制

修武郎

內殿崇班

從義郎

東頭供奉官

秉義郎

西頭供奉官

忠訓郎

左侍禁

忠翊郎

右侍禁

成忠郎

左班殿直

保義郎

右班殿直

承節郎

三班奉職

承信郎

三班借職

以上係
使臣

下班祇應

殿侍

右宋制武階舊有橫行正使橫行副使有諸司正使諸司副使有使臣政和易以新名正使為大夫副使為郎橫行正副亦然於是有郎居大夫之上

至紹興始釐正其序

自正侍郎至右武郎舊在武功大夫之上今釐正在武翼

大夫之下武經郎之上

又通侍大夫舊為內容省使國朝未

嘗除人自易武階不遷通侍沿初意也轉至忠侍無磨勘者特旨除修武郎以上為大使臣承信郎

以上為小使臣五年一轉至武功大夫有止法

進武校尉 進義校尉 下班祇應 進武副使

進義副尉 守闕進義副尉 進勇副尉 守

闕進勇副尉 以上無品二校尉參吏部下班參

兵部以下參刑部

元豐初定官制或請併內侍官名易之神宗曰祖宗為此名有深意豈可輕議政和二年始改焉凡十有二階

新官

舊官

供奉官

內東頭供奉官

左侍禁

內西頭供奉官

右侍禁

殿直

左班殿直

高品

右班殿直

高班

黃門

黃門

祇候侍禁

祇候殿頭

祇候殿直

祇候高班

祗候黃門

祗候高班內品

內品

祗候內品

貼祗候內品

以上三名
仍舊不改

按唐宦者所歷散官與文官同仇士良至開府儀同三司請廕其子給事中李中敏判云開府階誠宜廕子謁者監何由有兒是也此外則貴璫之階官至金紫光祿大夫正議大夫者多有之祖宗立

法不以內侍溷清流故自有階官云

政和初既易武階而醫官之名亦遂改焉凡十有四階

新官

舊官

和安成安成全成和大夫 軍器庫使

保和大夫 西陵錦使

保安大夫 權易使

翰林良醫 翰林醫官使

和安成和成安成全郎 軍器庫副使

保和郎

西陵錦副使

保安郎

權易副使

翰林醫正

翰林醫官副使

凡除職事官以寄祿官品之高下為準高一品以上
為行下一品為守下二品已下為試品同者否紹聖
三年戶部侍郎吳居厚言神宗官制凡臺省寺監之
制有行守試三等之別元祐中裁減冗費而職事官
兼行者第存虛名而已請付有司講復舊制從之四

年翰林學士蔣之奇言所謂試則非正官也今尚書侍郎皆正官而謂之試失之矣如以其階卑則謂之守可也臣請凡有正官者皆改試為守崇寧中吏部授選人差遣亦用資序高下分行守試三等政和三年詔選人在京職事官依品帶行守試其外任則否宣和以後官高而仍舊職者謂之領官卑而職高者謂之視故有庶官視從官從官視執政執政視宰相凡道官亦視文階云

勲官

上柱國柱國皆楚之寵官楚懷王使柱國昭陽將兵攻

齊陳軫問楚國之法破軍殺將者何以貴之昭陽曰其

官為上柱國是也

陳勝為王綦賜為上柱國

歷代無聞至後魏孝莊

以爾朱榮有翊戴之功拜為柱國大將軍位在丞相上

又拜大丞相天柱大將軍增佐吏及榮敗後天柱及柱

國將軍官遂廢

天柱之名尊崇莫大昔王莽末劉伯升起兵自號天柱大將軍而梁末侯景克

建業後亦自為宇宙大將軍都督六合諸軍事

至大統中始以宇文泰為之其

後功參佐命聲實俱重者亦居此職自大統十六年以

前任者凡有八人

宇文泰元欣隴西公緯李弼獨孤信趙貴于謹侯莫陳崇

時宇文

泰任總百揆督中外軍事元欣以魏氏懿戚從容禁闥

而已其餘六人各督二大將軍凡十二大將軍當時榮

盛莫以為比其稱門閥者咸推八柱國家其後功臣位

至柱國者衆矣咸是散秩無復統御也後周建德四年

增置上柱國大將軍隋置上柱國柱國以酬勲勞並為

散官實不理事

楊元感以父素軍功位至柱國與其父俱為第二品朝會則齊列後文帝乃命

元感降一等也唐改為上柱國及柱國

秦有護軍都尉漢因之高帝以陳平為護軍中尉盡護

諸將然則復以都尉為中尉

陳平為護軍中尉人讒之曰平受諸將金多者得善

處金少者得惡處

武帝元狩四年以護軍都尉屬大司馬於時

復為都尉矣

成帝綏和元年居大司馬府比司直

哀帝元壽元年更名司

寇平帝元始元年更名護軍

初韓安國以護軍將軍擊匈奴趙充國以大將軍都

尉擊武都也

漢東京省班固為大將軍中護軍隸將軍幕府

非漢朝列職魏武帝為丞相以韓浩為護軍史與為領

軍亦非漢官也建安十二年改護軍為中護軍領軍為

中領軍魏初因置護軍將軍主武官選隸領軍晉世則

不隸矣

歷代史籍皆云護軍將軍主武官選則領軍無主選之文唯陶藻職官要錄云領軍將軍主武

官選舉而護軍不言主選又引曹昭叔述孝詩叙曰余年三十遷中領軍總六軍之要秉選舉之機以此為證今按漢高帝初以陳平為護軍中尉已令主武官選矣故陳平有受金之譏又魏畧云護軍之官總統諸將主武官選前後當此官者不能止貨賂故蔣濟為護軍時有謠曰欲求牙門當得千匹五百人督得五百匹司馬宣王與濟善聞此聲以問濟濟無以解之及夏侯元代濟故不能止絕人事及晉景帝代元為中護軍整頓法度人莫敢犯者又王隱晉書曰景帝為中護軍作選用之法舉不越功吏無私焉又晉起居注云武帝詔曰中

護軍職典戎選宜得幹才遂以羊琇為之宋志又云主武官選按此則護軍主選明矣而陶藻所言領軍主選及昭叔之叙者當因省併之際為一時之權宜非歷代之恒制元帝永昌元年省護軍

併領軍明帝太寧二年復置魏晉江右領護各領營兵

江左以來領軍不復別置營總管二衛驍騎材官諸營

護軍猶別有營也

周顗庾亮王羲之謝安王彪之等並為護軍

宋護軍將軍

一人掌外軍領護資重者為領軍將軍護軍將軍資輕

者為中領軍中護軍

其官屬有長史司馬功曹主簿五官受命出征則置參軍

齊梁

陳並有之北齊護軍府統四中郎將皆置佐史隋煬帝

十二衛每衛置護軍四人以副將軍將軍無則一人攝
尋改護軍為虎賁郎將唐採前代舊名置上護軍護軍
輕車將軍漢武帝置以公孫賀為之又有輕車校尉梁
陳後魏北齊亦有輕車將軍唐採舊名置上輕車都尉
輕車都尉

騎都尉漢武帝置以李陵為之更始初亦有故時謠云
爛羊胃騎都尉晉以後歷代皆有之唐採舊名置上騎
都尉騎都尉

驍騎尉 飛騎尉 雲騎尉 武騎尉並隋置為文散官唐採置自上柱國以下並為勳官

宋制勳官十有二

上柱國 柱國 上護軍 護軍 上輕車都尉

輕車都尉 上騎都尉 騎都尉 驍騎尉 飛騎

尉 雲騎尉 武騎尉

右騎都尉以上兩府並武臣正任已上經恩加兩轉文武朝官加一轉武騎尉以上京官加一轉朝

官雖未至驍騎尉經恩亦便加騎都尉

功臣

推忠 佐理 協謀 同德 守正 亮節 翊戴

贊治 崇仁 保運 經邦

右以賜中書樞密院臣僚

宰相初加六字餘臣初加四字其次並加兩字

舊有功臣者改賜之

推忠 保德 翊戴 守正 亮節 同德 佐運

崇仁 協恭 贊治 宣德 純誠 保節 保

順 忠亮 竭誠 奉化 効順 順化

右以賜皇子皇親文武臣僚外臣

初如四字
次加兩字

拱衛 翊衛 衛聖 保順 忠勇 拱極 護聖

奉慶 果毅 肅衛

右以賜諸班直將士禁軍

初加二字再
加亦如之

政和中罷勲官淳熙末朝議欲復之以旌有功如貼職
之比後亦不果行唯安南閩婆占城三國王始封加上
柱國南丹州刺史加武騎尉焉加功臣號始於唐德宗

宋朝因之至元豐乃罷中興後加賜者三人而已韓世忠楊武翊運功臣張俊安民靜難功臣劉光世和衆輔國功臣此外惟安南國王初除及經恩亦加功號

岳氏愧郊錄曰按階散勲官在前世合於一至唐朝則合於一其用與不用實寓見於是自宋齊梁陳後魏北齊以來諸九品官皆以將軍為品秩謂之加戎號此正如國初軍制皆以御史為品秩謂

之加憲銜也梁制雖親王起家未加將軍不開府
不置佐史官可以見一時以此號為重然其實未
嘗將屯亦虛名耳隋既受命高祖採後周之制置
上柱國柱國上大將軍大將軍上開府儀同三司
開府儀同三司上儀同三司儀同三司大都督帥
都督都督總十一等以酬勤勞又有特進左右光
祿大夫金紫光祿大夫銀青光祿大夫朝議大夫
朝散大夫並為散官又加文武官之德聲者並不

理事又有翊軍等四十三號將軍品凡十六等為散號將軍以加將校居曹有職務者為執事官無職務者為散官戎上柱國已下為散實官軍為散號官諸省及左右衛武侯餘左右監門府為內官自餘為外官散官之名肇見於是還考漢制光祿大夫太中大夫郎議郎中郎侍郎郎中皆無員多至數十人特進奉朝請亦皆無職守優游祿秩則官之有散自漢已有之矣然當時之仕於朝者不

任以事則置之散正如今日宮觀設官之比未有以職為實以散為號如後世者也故成都侯王商以特進領城門兵置幕府得舉吏是正如今日兼官不可以官稱為比梁制左右光祿金紫光祿太中中散等大夫並無員以養老疾遯而考之魏晉宋齊元魏下而考之陳北齊後周隋亦莫不有之九品十八班之間元魏初又嘗置散官五等其品第五至第九百官有闕則取於其中以補之蓋皆

以儲才待須而亦與諸職事官均其勞佚也逮隋
開皇六年始置六品以下散官八郎為正階八尉
為從階通而觀之則九品之內皆有散官以酬勞
矣惟正一品虛而不置所以章其貴也煬帝嗣位
多所改更先罷特進次罷十一等酬勞官八郎八
尉四十三號將軍併省朝議大夫置九大夫八尉
自一品至九品別有其制繼雖復儒林郎文林郎
列之七品八品正乃隸祕書省置二十人若三十

人專以明經待問撰錄文史為職又若職事官無與於散階也尋又置散騎郎二十人為從五品承議通直郎各三十人為正從六品宣德宣義郎各四十人為正從七品徵事將仕郎各五十人為正從八品常從奉信郎各五十人為正從九品是為正員並得祿當品又各有散員郎無祿隋又改常從為登仕奉信為散從自散騎而下皆主出使量事大小據品以發之則正如國初九品京朝官皆

在京師其罷職者歸本班守本官其出使者知某
州轉運某路之制耳尚書省六曹皆置承務郎一
人同員外郎之職乃正與今尚書郎等又非散號
如限員以設官使其別有所授決知其必不復徒
帶以為美觀也而唐乃析之郎大夫之秩光祿中
散之養疾儒林文林之待問一歸之於文散散號
將軍參取雜置益以校尉一歸之於武散柱國等
號本以酬勞武騎諸稱並同郎位一歸之於勲官

則階散也勲官也唐雖因隋而所用未嘗因隋有
職者改為虛名徒名者置在兼秩是所謂前世合
於一而唐則析為二史大奈與高祖興太原飲馬
泉之戰功多授光祿大夫階李晟以克復元勲立
功時諸子未官宰相以聞即日詔子愿為上柱國
故事柱國門列戟遂父子皆賜杜淹貞觀中檢校
吏部尚書再加檢校侍中代宗以射生軍清難而
有寶應之稱德宗以涇軍煽逆而有定難之號後

隨事而賜亦無定名故唐之有功者或敘階或賜
勲或加以檢校或寵以名號皆上之人有以寓一
時之微權而初無階升必致之道四者並用而又
申之以封爵重之以實封馭貴馭富又雜取而輔
之在祖宗朝若功臣之名猶有官不當賜而特賜
如開寶之於王明太平興國之於杜彥鈞陳信從
郝正大中祥符之於王丞美天禧之於向漢通南
渡以後高皇舉久廢之典以寵二三大將其他則

不多見也每一遇郊官至某則加功臣若干字酬
勲若干級進階若干等徹國若干戶並舉而予之
故世但以為煩而不見其用是所謂唐析於四而
本朝則合於一既合矣而不能分此所以發神宗
皇帝之獨斷一舉而盡去之也政和罷勲官徒以
太平之世不欲用議易之而未暇孝宗淳熙間廷
策多士發為清問有意復之而未能誠使無並用
之術祖已成之例一歸之有司則雖無復可也因

虛以濟實即名以輔治一歸之君上則雖盡復之
亦可也世之議者多以其名之混淆未易別白故
表而著之以俟觀者擇焉

檢校官一十九

太師	太尉	太傅	太保	司徒	司空	左僕射	右僕射	吏部尚書	兵部尚書	戶部尚書	刑部尚書	禮部尚書	工部尚書	左散騎常侍	右散騎常侍	太子賓客	國子祭酒	水部
----	----	----	----	----	----	-----	-----	------	------	------	------	------	------	-------	-------	------	------	----

員外郎

右皇子初授官加太尉初除樞密使使相及曾任
宰相樞密使除節度使加太傅初除宣徽節度使
加太保宗室初除使相加尚書左僕射特除并換
授諸司使已上加工部尚書諸司副使加右散騎
常侍除通事舍人內殿崇班以上初授加太子賓
客副率以上并三班及吏職蕃官軍員該恩加國
子祭酒廂都指揮使止於司徒軍都指揮使忠佐

馬步都軍頭止於司空軍班都虞候忠佐副都軍頭以上止於左右僕射諸軍指揮使止於吏部尚書其官止遇恩則加階爵功臣

建炎以來朝野雜記曰檢校官者自唐以來有之

凡內職崇班

今修武郎

武臣副率以上初除及該恩皆

帶若文武臣則樞密宣徽節度使始帶焉自三公

謂太尉司徒司空

三司僕射尚書常侍至賓客祭酒凡十

餘等元豐改官制武臣承宣使已下皆罷惟存檢


校三公三師以待節度使之久次者政和後改三公為三少若武臣累加至檢校少師則拜太尉文臣累加檢校少師則拜開府儀同三司安南國王初襲封加檢校太尉經恩遷檢校太師外蕃刺史州則檢校太子賓客此外不帶云

朱子語錄曰祖宗之法除三孤三公者必須建節加檢校太子少保少師之類然後除開府儀同三司既除開府然後除三孤三公南渡以來如張韓

劉岳諸武臣猶是如此外皆不帶今則不然既建節便抹過檢校徑除開府至三孤三公矣



文獻通考卷六十四



總校官庶吉士臣張能照

校對官檢討臣郭寅

謄錄監生臣劉垠

欽定四庫全書薈要

史部

文獻通考卷六十五

詳校官員外郎臣潘紹觀



欽定四庫全書薈要卷九千三百八十五

史部

文獻通考卷六十五

鄱陽馬端臨貴與著

職官考十九

祿秩

周班爵祿之制天子一位公一位侯一位伯一位子男
同一位凡五等也君一位卿一位大夫一位上士一位
中士一位下士一位凡六等大國君十卿祿卿祿四大

夫大夫倍上士上士倍中士中士倍下士下士與庶人

在官者同祿

趙岐曰庶人在官者未命為士者

次國君十卿祿卿祿三

大夫大夫倍上士上士倍中士中士倍下士下士與庶

人在官者同祿小國君十卿祿卿祿二大夫大夫倍上

士上士倍中士中士倍下士下士與庶人在官者同祿

皆祿足以代耕也

卿祿與君祿皆十分之一大夫於卿各相加士不得耕以祿代耕也及

乎周衰諸侯惡其害已而去其籍

諸侯恣行惡其法度之害已而滅去其籍

故今周禮司祿之官闕其職也

故其詳不可得而聞矣蓋其畧也

孟子天

子之三公之田視公侯天子之卿視伯天子之大夫視
子男天子之元士視附庸

視比也

諸侯之下士祿食九人

中士食十八人上士食三十六人下大夫食七十二人
卿食二百八十八人君食二千八百八十人次國之卿
食二百一十六人君食二千一百六十人小國之卿食
百四十四人君食千四百四十四人次國之卿命於君
者亦如小國之卿凡制農田百畝百畝之分上農夫食
九人其次食八人其次食七人其次食六人下農夫食

五人庶人在官者其祿以是為差

農夫皆受田於公田有五等收入不同也

庶人在官者謂府史之屬官長所除不命於天子國君者分或為冀

故諸侯之下士視上

農夫祿足以代耕也

王制

漢制祿秩自中二千石至百

石各有等差宣帝又益天下吏百石以下俸十五

漢書曰若

食一斛則益五斗又應劭注漢書曰張敞蕭望之言曰夫倉廩實而知禮節衣食足而知榮辱今小吏俸率不足常有憂父母妻子之心雖欲潔身為廉其勢不能請以什率增天下吏俸宣帝乃益天下吏俸什二而漢書言十五兩

至成帝陽朔二年除八百石五百石秩

除八百就

存其說

六百除五綏和二年又益吏三百石以下俸凡吏比二百就四百

千石以上年老致仕者三分故祿以一與之終其身

其時

亦有俸錢之差但本史文不具耳故元帝時貢禹上書曰臣為諫議大夫秩八百石俸錢月九千二百廩食太

官又拜為光祿大夫秩一千石俸錢月萬二千祿賜愈多家日以益富

中二千石

月俸百八十斛

二千石

百二十斛

比二千石

百斛

千石

八十斛

六百石

七十斛

四百

石

五十斛

比四百石

四十斛

三百石

四十斛

比三百石

三十斛

二

百石

三十斛

比二百石

二十斛

百石

十六斛

自四百石至二百

石為長吏

吏理也主理其縣內

百石以下有斗食佐史之秩

顏師古曰

漢官名秩簿云斗食月俸一十斛佐史月俸八斛也一說斗食者歲俸不滿百石計日而食一斗二升故云斗

食是為小吏

本史王莽詔曰自公卿以下一月之祿十斛綬布二疋或帛一疋予每念之今俸祿

一歲六十斛以差增上至四輔而為萬斛孟康曰綬八十縷也

後漢大將軍三公俸

月三百五十斛

風俗通曰漢制三公一歲共食萬石按此則有出蓋舉大數也

至建武

二十六年增百官俸其千石以上減於西京舊制六百

石以下增於舊秩

本史永初四年又減百官及州郡縣俸各有差

凡諸受俸皆

取半錢穀延平中定制中二千石

月俸錢九千米七十二斛

真二千

石

錢六千五百米三十六斛

比二千石

錢五千米三十四斛

千石

錢四千米三十斛

六

百石

錢三千五百米二十一斛

四百石

錢二千五百米十五斛

三百石

錢二千米十二

斛

二百石

錢一千
米九斛

一百石

錢八百米
四斛八斗

凡中二千石丞比

千石真二千石丞長史六百石比二千石丞比六百石

令相千石者丞尉皆四百石其六百石者丞尉皆三百

石長相四百石及三百石者丞尉皆二百石諸侯公主

家丞秩皆比三百石諸邊障塞尉諸陵校尉皆二百石

有常例者不署秩

本志

大將軍三公臘賜錢穀各二十萬

牛肉二百斤粳米二百斛

特進侯以下各有差

立春之日遣使者

賜文官司徒司空帛三十疋九卿十五疋武官太尉大

將軍各六十疋執金吾諸校尉各三十疋武官倍文官

漢官儀 獻帝建安八年頒賜三公以下金帛由是三年一

賜以為常制

本史

晉制諸公及開府位從公有品秩第

一食俸日五斛給絹春百疋秋二百疋綿二百斤特進

食俸日四斛春服絹五十疋秋絹百五十疋綿一百五

十斤光祿大夫食俸日三斛春賜絹五十疋秋百疋綿

百斤尚書令食俸月五十斛春月三十疋秋七十疋綿

七十斤太子太傅少傅食俸日三斛春賜絹五十疋秋

百足綿百斤

右通典所載歷代祿秩唯不及魏晉今於晉書百官志錄出前條以補之但志所載惟及諸公開府位從公者與特進光祿大夫尚書令太子二傅而餘官祿秩皆無可考則亦未為全備也

宋氏以來州郡秩俸及雜供給多隨土所出無有定准永元初詔二品清官以上應食祿者有二親或祖父母年登七十並給見錢其郡縣田祿以芒種為斷此前去

官者則一年秩祿皆入前人此後去者悉入後人元嘉

末又改此制計月分祿

武帝初即位制凡中二千石加公田一頃

齊氏衆

官有僮幹之役而不詳其制

永明五年制二品清官行僮幹杖不得出十張融坐

鞭幹錢敬道杖五十免官又梁王譙為吏部郎坐鞭曹申免官幹者若門僕之類也

梁天監初

定九品令帝於品下注一品秩為萬石第二第三品為

中二千石第四第五品為二千石及侯景之亂國用常

徧京官文武月唯別得廩食多遙帶一郡縣官而取其

祿秩焉楊徐等大州比令僕班

揚州督王畿理建康徐州督重鎮理京口並外

官刺史最重者尚書令僕射官品第三也

寧桂等小州比參軍班

寧州理建寧今雲南

郡桂州理始安今郡並與外官刺史最輕者公府參軍官品第六也

丹陽郡吳郡會稽等

郡同太子詹事尚書班

丹陽尹理建康吳郡會稽即今郡並列郡重者詹事尚書官品

第三也 高原晉康等小郡三班而已

高原晉康即今郡並列郡最輕者梁武帝

定九品後其內官吏為十八班以班多者為貴同班者即以居下為劣則與品第高下不倫當是其時更以清濁為差耳本史既畧不可詳審焉 大郡六班小縣兩轉方至一班品第

既殊不可委載其州郡縣祿米絹布絲綿當處輸臺附倉庫若給刺史守令等先准其所部文武人物多少由

勅而裁凡如祿秩既通所部兵士給之其家得蓋少諸
王諸主出閤就第婚冠所須及衣裳服飾并酒米魚鮓
香油紙燭等並受官給之王及主壻外祿者不給解任
還京仍公給 後魏初無祿秩者至孝文太和八年始
班俸祿罷諸商人以簡民事戶增調三疋穀三斛九升
以為官司之祿均預調為二疋之賦祿之後賦滿一疋
者死其祿每季一請於是百官受祿有差至十年議民
官依戶給俸

本史又曰初邊方小郡太守數戶而已一請止六尺絹歲不滿疋

北齊

官秩一品歲八百疋

二百疋為一秩

從一品七百疋

一百七十疋為一

秩

二品六百疋

一百五十疋為一秩

從二品五百疋

一百二十疋為一秩

三品四百疋

一百疋為一秩

從三品三百疋

七十五疋為一秩

四品二

百四十疋

六十疋為一秩

從四品二百疋

五十疋為一秩

五品一百六

十疋

四十疋為一秩

從五品一百二十疋

三十疋為一秩

六品一百疋

二十五疋為一秩

從六品八十疋

二十疋為一秩

七品六十疋

十五疋為一秩

從七品四十疋

十疋為一秩

八品三十六疋

九疋為一秩

從八品

三十二疋

八疋為一秩

九品二十八疋

七疋為一秩

從九品二十

四疋

六疋為一秩

祿率一分以帛一分以粟一分以錢事繁

者優一秩平者守本秩閒者降一秩長兼試守者亦降一秩官非執事不朝拜者皆不給祿州郡縣制祿之法刺史守令下車各前取一時之秩上上州刺史歲秩八百疋與司州牧同上中上下各以五十疋為差中上降上下一百疋中中及中下亦以五十疋為差下上降中下一百疋下中下下亦以五十疋為差上郡太守歲秩五百疋降清都尹五十疋上中上下各以五十疋為差

中上降上下四十疋中中及中下各以三十疋為差下
上降中下四十疋下中下各以二十疋為差上上縣
歲一百五十疋與鄴臨漳成安三縣同上中上下各以
十疋為差中上降上下三十疋中中及中下各以五疋
為差下上降中下二十疋下中下各以十疋為差州
自長史下逮於史吏郡縣自丞以下逮於掾佐亦皆以
帛為秩郡有尉者尉減丞之半皆以其所出常調課給
之自一品以下至流外勲品各給事力一品至三十人

下流外勲品或以五人為等或以四人三人二人一人
為等繁者加一等平者守本力閒者降一等諸州刺史
守令以下幹及力皆聽勅乃給其幹出所部之人一幹
輸絹十八疋幹身故之力則郡縣白直充 後周秩下
士一百二十五石中士以上至於上大夫各倍之上大
夫是為四千石卿二分孤三分公四分各益其一公因
盈數為萬石其九秩一百二十石八秩至於七秩每二
秩六分而下各去其一二秩一秩俱為四十石凡頒祿

視年之上下畝至四釜為上年上年頒其正三釜為中
年中年頒其半二釜為下年下年頒其一無年為凶荒
不頒祿 隋京官正一品祿九百石下每以百石為差
至正四品是為三百石從四品二百五十石其下每以
五十石為差至正六品是為一百石從六品九十石以
下每以十石為差至從八品是為五十石食封及官不
判事者并九品皆不給祿其給皆以春秋二季刺史太
守縣令則計戶而給祿各以戶數為九等之差大州六

百二十石其下每以四十石為差至於下下則三百石

大郡二百四十石其下每以三十石為差至於下下則

一百石大縣百四十石其下每以十石為差於下下則

六十石其祿唯及刺史二佐及郡守縣令

本志

文帝時嘗

以百僚供費不足臺省府寺咸置廨錢收息取給工部

尚書蘇孝慈以為官人爭利非興化之道上表請罷從

之公卿以下及給職田各有差

本志

義寧二年唐王為相

國罷外官給祿每十斛給地二十畝

唐武德中外官

無祿貞觀二年制有上考者乃給祿後遂定給祿俸之

制以民地租充之京官正一品七百石從一品六百石正二品五百石

從二品四百六十石正三品四百石從三品三百六十石正四品三百

石從四品二百六十石正五品二百石從五品一百六十石正六品

一百從六品九十石正七品八十石從七品七十石正八品六十

石從八品六十石正九品五十石從九品五十石諸給祿者三

師三公及太子三師三少若在京國諸司文武官職事

九品以上并左右千牛備身左右太子千牛並依官給

其春夏二季春給秋冬二季秋給

凡京文武官每歲給祿總一十五萬一千

五百三十三石二斗自至德之後不給

其在外文武官九品以上准官皆

降京官一等給其文武官在京長上者則不降

諸給祿應降等

者正從一品各以五十石為一等二品三品皆以三十石為一等四品五品皆以二十石為一等六品七品皆以五石為一等八品九品其俸錢之制京司諸官初置皆以二石五斗為一等

公解令行署及蕃官興易以充其俸貞觀十二年罷公廨置胥士七千人取諸州上戶為之准防閤例而收其課三歲一更計員少多而分給焉貞觀十五年以府庫

尚虛勅在京諸司依舊置公廨給錢充本置令史府史胥士等令迴易納利以充官人俸諫議大夫褚遂良上疏言其不便太宗納之停諸司捉錢依舊本府給月俸二十一年復依故制置公廨給錢為之本置令史府胥士等職賈易收息以充官俸永徽元年悉廢胥士等更以諸州租庸脚直充之其後又令薄賦百姓一年稅錢依舊令高戶及典正等掌之每月收息以充官俸其後又以稅錢為之而罷其息利凡京文武正官每歲供給

俸食等錢

并防閤庶僕及雜錢等

總一十五萬三千七百二十貫

員外官不在此數

外官則以公廨田收及息錢等常食公用之

外分充月料先以長官定數其州縣少尹長史司馬及

丞各減長官之半尹大都督府長史副都督別駕及判

司准二佐以職田數為加減其參軍及博士減判司主

簿縣尉減縣丞各三分之一

謂內外員外官同正員者祿料賜會食料一事以上

並同正員其不同正員者祿賜食料亦同正員餘各給

半職田並不給自乾元之後以常賦不給內外官俸祿

各減其半內供奉及裏行不帶本官者祿俸食料防閤庶僕

一事以上並同正官帶官者聽從多處給若帶外官者

依京官給

食料賜會與京官同

諸檢校及判試知等官不帶內外

官者料度一事以上准員外官同正員例給若檢校及

判試知處正官見闕者兼給雜用其職田不應入正官

者亦給

其侍御史殿中及監察御史知試並同內供奉裏行例

儀鳳二年制內外

官俸食防閤邑士白直等宜令王公以下率口出錢以

充給焉調露元年九月職事五品以上准舊給仗身武

太后光宅元年九月以京官八品九品俸料授簿諸八

品每年給庶僕三人九品二人又有親事帳內

六品七品子為

親事八品九品子為帳內限年十八以上舉諸州共率萬人為之

凡王公以下及文武

職事三品以上帶勳官者則給之

其親事府帳內府官附在王侯篇

三

師三公開府儀同三司

一百三十人

嗣王郡王

一百八十人

上柱國

帶二品以上職事

九十人

帶三品職事

六十人

柱國帶二品

以上職事

七十人

帶三品職事

六十人

上護軍帶二品以上

職事

七十人

帶三品職事

五十人

護軍帶二品以上職事

六十人

三帶三品職事

三十人

諸州縣之官流外九品以上皆給

白直二品

四十人

三品

三十人

四品

二十人

五品

十六人

六品

十人

七品

七人其七品佐官六人

八品

五人

九品

四人

諸州縣官流內九品

以上及在外監五品以上皆給執衣

隨身驅使典執筆現其監官於隨近

州縣取充二品

十八人

三品

十五人

四品

十二人

五品

九人

六品

七人

七品

各六人

八品

各三人

九品

各三人

閩津嶽

分為三番每周而代

不願

聽之

初以民丁中男充為之役使者不得踰境後皆捨

其身而收其課課入所配之官遂為恒制鎮戍之官以

鎮戍上中下為差上鎮給仗身四人中下鎮將副各三

人中下鎮副各二人倉曹兵曹戍主副各一人其仗身

十五日一時收資六百四十開元十年正月省王公以

下視品官參佐及京官五品以上官仗身職員凡京司

文武職事官五品以上給防閣一品九十二品七十三

品四十八四品三十五五品二十四六品以下給庶僕六品五

七品四十八八品三十九九品二十八公主邑士八十郡主六十縣主

四十特封縣主三十京官仕兩職者從多給凡州縣官

皆有白直二品四十三三品三十四四品二十五五品十六六

品^{十二}人 七品^六人 八品^五人 九品^四人 凡諸親王府屬並給士

力數如白直其防閤庶僕白直士力納課者每年不過

二千五百執衣元不過一十文防閤庶僕舊制季分月

俸食料雜用即有分諸官應月給開元二十四年六月

乃撮而同之通謂之俸料一品月俸料八千食料千八

百雜用千二百防閤十五千通計共二十又六千三品

月俸五千食料千一百雜用九百防閤十千通計十七

千四品月俸三千五百食料七百雜用七百防閤六千

六百六十七通計十一千五百六十七五品月俸三千

食料六百雜用六百防閤五千通計九千二百六品月

俸二千食料四百雜用四百庶僕二千五百通計五千

三百七品月俸千七百五十食料三百五十雜用三百

五十庶僕千六百通計四千五十八品月俸千三百五

十食料三百雜用三百庶僕六百通計二千五百五十

九品月俸千五十食料二百五十雜用二百庶僕四百

通計千九百

其數目國初以來即有中開色目或有加減今方為定制

員外官帶同

正者不減正員官食料錢不帶同正者減半

致仕官建中三年九

月勅所請半祿料及賜物等並宜從勅出日於本貫及寄住處州府支給至貞元四年四月勅其宴會及朔望朝參並依恒式自今已後宜准此 諸州縣不配防人處城及倉庫門各

二人須守護者取年十八已上中男及殘疾據見在數

均為番地勿得偏併每番一旬每城門各四人倉庫門

各二人

其倉門每萬石加一人石數雖多不得過五人

其京兆河南府及赤縣

大門各六人庫門各三人

其須修理官廨及祇承官人聽量配驅使若番上不到應

須徵課者每番閒月不得過一百七十忙月不得過二百文

滿五旬者殘疾免課調

中男免雜徭其州城郭之下戶數不登者通取於他縣
總謂之門夫其後舉其名而徵其資以給郡縣之官其
門之多少課之高下任土作制無有常數天寶五載制
郡縣白直計數多少同料錢加稅以充之不得配丁為
白直十四載八月制兩京文武官九品以上正員官自
今以後每月給食雜用防閣庶僕等宜十分率加二分
其同正官加一分仍永為常式

乾元元年制外官給半料以職田不給料令度

支使量閒劇司給手力課員外官一切無料大歷三年
通計京城諸司每月給手力資錢凡四萬七千五百四

十六貫四十文並以天下青苗錢充初以常賦不給乃
稅人墾田畝十有五錢資用窘急不暇成熟候苗青即
征之故謂之青苗錢主其任者為青苗使貞元四年正
月勅京文武官員及兩京府縣官總三千七百七貫據
元給及雜加每當錢五萬一千四百四貫六百一十七
文一年都當六十一萬六千八百五十五貫四百文

天寶七載九月勅五品以上正元清官諸道節度使及
太守等並聽常蓄絲竹以展歡娛行樂盛時式覃中外
至八載六月勅其男口給使王公家不過二十人其職
事官一品不得過十人三品不得過八人四品不得過
六人五品不得過四人京文武清官六品七品不得過

二人八品九品不得過一人

百官家蓄絲竹及給使口並是朝恩優寵資給故附

於庶僕俸料之後

建中三年令文武百官每月料錢一百貫已

上者三分減一八十貫以上者五分減一餘減有差三十貫以下者不減待兵革寧後依舊興元元年乃詔準元數支給元和七年中書門下奏國家依品制俸官一品月俸三十千職田祿米大約不過千石一品以下多少可知艱難以來網禁漸弛於是增置使額厚請俸錢故大歷中權臣月俸有至九千貫者列郡刺史無大小

給皆千貫常袞為相始立限約至李泌又量其閒劇隨
事增時謂通濟理難減削然有名存職廢額去俸存閒
劇之間厚薄頓異乃命詳定減省十五年勅近者每歲
給費量入不充外官俸祿據數抽貫今幸遇豐登八方
寧謐其度支所準勅應給用錢每貫抽五十文都計一
百五十萬貫文並宜停抽大中六年中書門下奏應諸
州刺史既欲責其潔已須令俸祿稍充但以厚薄不同
等級無制致使俸薄處無人願去祿厚處終日爭先應

中下州司馬軍事俸料共不滿一百千者請添至一百千緊上州添至一百五十千雄望州添至二百千先已過者即仍舊 梁開平三年詔百官俸料委左藏庫依則例全給 漢乾祐三年勅諸道州府令錄判官主簿宜令等第支與俸戶逐戶每月納錢五百與除二稅外免放諸雜差遣不得更種職田所定俸戶於中等無色役人戶內置不得差令當直及赴衙參若是令錄判司主簿除本分人數外剩占俸戶及令當直手力更納課

錢並許百姓陳告 周顯德五年中書奏諸道州府縣
官及軍事判官並宜則例定料錢及米麥等以來年支
給其內外官課戶莊戶俸戶柴炭紙筆戶等並停如今
後更有人戶願充此等戶者仰本州勒充軍戶配本州
牢城執役

宋興咸平間知制誥楊億上疏言唐制內外官俸錢支
外有祿米職田又給防閤庶僕親事帳內執衣白直門
夫各以官品差定其數歲收其課資於家本司又有公

解田食本錢以給公用自唐末離亂國用不充百官俸錢並減其半自餘別給一切權罷官於半俸之中已是除陌又於半俸三分之內其二分以他物給之鬻於市厘十裁得其三曾糊口之不及豈代耕之足云昔漢宣帝下詔云吏能勤事而俸祿薄欲其無侵漁百姓難矣遂加吏俸著於策書竊見今之結髮登朝陳力就列其俸也不能致九人之飽不及周之上農其祿也未嘗有百石之入不及漢之小吏若乃左右僕射百僚之師長

位莫崇焉月俸所入不及軍中千夫之師甚可駭也豈稽古之意哉欲乞百官俸祿雜給並循舊制既豐其稍入可責以廉隅直限以常員理當減於舊費又唐虞之制也乾興已後俸祿添給僉人餐錢之制更革為多至嘉祐始著於祿今自宰相而下至嶽瀆廟主簿凡四十一等熙寧以來悉用嘉祐祿今無所損益元豐一新官制職事官職錢以寄祿官高下分行守試三等大率官以祿令為準而在京官司供給之數皆併為職錢如大

夫為郎官既請大夫俸矣又給郎官職錢視嘉祐時賦
祿為優至崇寧間蔡京秉政吳居厚張康國輩貪鄙為
徒於寄祿官俸錢職事官職錢外復增供給食料等錢
如京僕射俸外又請司空俸其餘僉從錢米並支本色
餘執政皆然視元豐制祿之法增倍矣中興俸祿之制
參用嘉祐元豐政和之舊少所增損惟兵興之始宰執
請受權支三分之一或支三分之二或支賜一半隆興
及開禧自陳損半支給皆權宜也其後內外官有添支

料錢職事官有職食厨食錢職纂修者有折食錢在京
釐務官有添支錢添支米選人使臣職田不及者有茶
湯錢其餘祿粟僉人悉還疇昔今合新舊制而參紀之
元豐定制以官寄祿中興重加修定 文臣請俸開府

儀同三司料錢一百貫特進九十貫

春冬衣絹各二十
五疋小綾十疋春

羅一疋冬
綿五十兩

金紫光祿大夫銀青光祿大夫

料錢各六十
貫春冬絹各

一十疋小綾七疋春
羅一疋冬綿五十兩

宣奉大夫正奉大夫正議大夫通

奉大夫

料錢各五十貫春冬絹各十七疋
小綾五疋春羅一疋冬綿五十兩

通議大夫大

中大夫中大夫中奉大夫中散大夫

料錢各四十五貫
春冬絹各十五疋

小綾三疋春羅一疋冬綿五十兩

朝議大夫奉直大夫朝請大夫朝散

大夫朝奉大夫

以上料錢各三十五貫春冬絹各
十三疋春羅一疋冬綿三十兩

奉儀

郎

料錢二十貫春冬絹各十兩通直郎
料錢十八貫春冬
疋春羅一疋冬綿三十兩

疋冬綿三十兩

宣教郎

料錢十五貫春冬絹
各五疋冬綿十五兩

宣義郎

料錢十二
貫春冬絹

各五疋冬綿十五兩

承事郎

料錢十貫春冬絹
各五疋冬綿十五兩

承奉郎

料錢八
貫

務郎

料錢七貫元豐以來釐務
止支驛料大觀二年定支以上料錢一分見錢二

分折支每貫折錢在京四百文在外四百文到任添給

驛料承直郎

料錢二十五貫茶湯錢十貫厨料米六斗麵一石五斗藁四十束柴二十束馬一匹

春冬絹六疋

儒林郎

料錢二十貫茶湯錢十貫厨料米六斗麵一石五斗藁二十束柴十

綿十二兩

各

文林郎

料錢十五貫茶湯錢十貫厨料米六斗麵一石五斗藁二十束

五疋綿十兩

各

從仕郎從政郎修職郎

以上料錢各

柴十五束春冬絹各五疋綿十兩

錢十貫米

迪功郎

料錢十二貫茶湯錢十貫米麥各一石五斗

以上錢折支

麥各二石

中給一半見錢一半折支每貫折見錢七百文釐務日

給滿替日住

武臣請俸太尉

料錢一百貫春服羅一疋小綾及絹各十疋冬

服小綾一十疋絹

正任節度使

在光祿大夫之下初除及管軍同料錢四百祿

二十疋綿五十兩

粟一百石 承宣使

在通議大夫之下料錢三百貫祿粟一百石

觀察使

在中大夫之下

料錢各二百貫祿粟一百石米麥十五石

防禦使

在中散大夫以下料錢二百貫祿粟一百石米麥各

一十二石五斗 團練使

在中散大夫之下料錢一百五十貫祿粟七十石米麥各九石

諸州刺

史 在中散大夫之下料錢一百貫祿粟五十石米麥各七石五斗 自承宣使以下不帶

階官者為正任帶階官者為遙郡各在正任之下請俸

與次任正任一同靖康指揮遙郡以上俸錢衣賜僉人

俸馬權支三分之二殿前三衙四廂捧日天武左右廂

都指揮使遙郡團練使

料錢一百貫文春冬服絹各十疋

殿前諸班直

都虞候諸軍都指揮使遙郡刺史

料錢五十貫衣同前龍衛神衛

右廂都指揮使遙郡團練使

同捧日天武

龍神衛諸軍都指

揮使遙郡刺史

同殿前

左右衛上將軍

在光祿大夫之下

諸衛上

將軍

在通直大夫之下以上料錢各六十貫春冬綾各五疋絹各十疋春羅一疋冬綿五十兩

左右

金吾衛大將軍

在中散大夫之下料錢三十五貫春冬綾三疋絹七疋春羅一疋冬綿三十兩

諸衛大將軍

在中散大夫之下料錢二十五貫春冬綾三疋絹各七疋春羅一疋冬綿二十兩

諸衛將軍

在朝奉郎之下料錢二十貫春冬綾各二疋絹各七疋春羅一疋冬綿十五兩

率府

率

在奉議郎之下

率府副率

在通直郎之下料錢十三貫春冬絹各五疋春羅一疋冬綿十五兩

通侍大夫

在中散大夫之下料錢五十貫祿粟二十五石春絹七疋冬絹十疋綿三十兩

馬三匹

正侍大夫宣正大夫履正大夫協忠大夫中侍大

夫

以上在中散大夫之下料錢各三十七貫祿粟一十五石春絹七疋冬絹十疋綿三十兩

中亮大夫

在中散大夫之下料錢三十七貫祿粟一十五石春絹九疋冬絹十疋綿三十兩

二十人馬三匹

中衛大夫翊衛大夫親衛大夫

在中散大夫之下防禦使之上

拱衛大夫左武大夫右武大夫

並在奉直大夫之下諸司正使之上以上料錢

並二十七貫春絹七疋冬絹十疋綿三十兩

武功大夫武德大夫武顯大夫

武節大夫武畧大夫武經大夫武義大夫

並在朝奉大夫之下以上

各料錢二十五貫厨料米一石麵二石春絹七疋冬絹一十疋綿三十兩 正侍郎宣正郎履

正郎協忠郎中侍郎中亮郎中衛郎翊衛郎親衛郎拱

衛郎左武郎右武郎

以上並在朝奉郎下料錢各二十貫春絹五疋冬絹七疋綿二十兩

武功郎武德郎武顯郎武節郎武畧郎武義郎武翼郎

並在承議郎之下以上各料錢二十貫厨料米麵各一石春絹五疋冬絹七疋綿二十兩訓武郎

十七貫春絹五疋冬絹七疋綿二十兩修武郎

料錢十七貫春絹五疋冬絹七疋綿二十兩從

義郎秉義郎

並料錢十貫帶職錢十二貫忠訓郎忠翊

郎

並料錢七貫帶職錢十貫春冬絹各四疋冬綿十五兩

成忠郎保義郎

並料錢五貫帶

職錢七貫春冬絹各四疋綿十五兩

承節郎承信郎

並料錢四貫春冬絹各三疋錢二貫文

進武校尉

料錢三貫春冬絹各三疋

進義校尉

料錢二貫春冬絹各三疋

下班祇

應

各隨差使理年不等自三年至十二年料錢七百文糧二石五斗春冬絹各五疋

進武副尉

料錢三貫

進義副尉

料錢一貫

守闕進義副尉

料錢三貫

料錢職錢

紹興仍政和之舊宰相樞密使料錢月三百貫

政和左輔右弼

為宰相紹興左右僕射同中書門下平章事為宰相舊制春冬服小綾各二十疋絹各三十疋春羅一疋冬綿一百兩初建炎元年指揮宰相執請知樞密院事參知政事受並權支三分之一支賜支一半

事樞密副使同知樞密院事僉書樞密院事

料錢二百貫春冬服

小綾各十疋絹各二十疋
春羅一疋冬綿五十兩
太師太傅少師少傅少

保料錢三百貫春服羅三疋權支一疋小綾三十疋支
二十疋絹四十疋支三十疋冬服綾絹同綿二百兩

支一以下職事官並支職錢開封牧錢一百貫
春服羅一疋小

綾絹各十疋冬服小綾十
疋絹二十疋綿五十兩
太子太師太保太傅職錢二

百貫
春服羅一疋小綾十疋絹一十
五疋冬服綾絹同綿五十兩
少師少傅少保百

五十貫
春冬服小綾各七疋絹各二
十疋春羅一疋冬綿五十兩
御史大夫六部尚

書行六十貫守五十五貫試五十貫春服羅一疋
小綾五疋絹十七疋冬服綾絹同綿五十兩
翰林

學士承旨翰林學士五十貫
春服同
左右散騎常侍
行十五

貫守五十貫試四十五貫春服小綾三疋
絹十五疋羅一疋冬綾絹同綿五十兩
太子詹事錢衣

同賓客小綾
給事中中書舍人行五十貫守四十五貫
試四十貫服同詹事

左右諫議大夫行四十五貫守四十貫
試三十七貫餘同舍人
權六曹侍郎職錢

四十貫
餘同上
太常宗正卿行三十八貫守三十五貫
試三十二貫春冬衣隨官序
祕書

監行四十二貫守三十
八貫試三十五貫
七寺卿國子祭酒行三十五貫
守三十二貫

試三十貫文
太常宗少卿祕書少監行三十八貫守三
十貫試二十八貫
中書

門下省檢正諸房公事左右司郎中行四十貫守三十
七貫試二十七貫

國子司業少府將作軍器監行三十二貫守三
十貫試二十八貫
太子少

詹事

行三十五貫守三十二貫試三十貫

太子左右諭德

行三十二貫守三十貫試二十

九起居郎起居舍人侍御史

行三十七貫守三十貫試三十二貫

左右

司員外郎六曹郎中

同上

殿中侍御史左右司諫

行三十貫守

三十二貫左右正言

行三十二貫守三十貫試二十七貫

諸司員外郎

司同

少府將作軍器少監

行三十五貫守三十貫試二十五貫

太子侍讀

侍講

行三十五貫守二十二貫試二十貫

監察御史

同正言

太子中舍人太

子舍人

行二十貫守十九貫試十八貫

太常丞太醫令宗正丞知大宗

正丞祕書丞大理正著作郎

行三十五貫守三十二貫試二十貫紹興元年指揮

宣教郎任館職寺監丞簿評事臺法主簿寺簿正

司直添給職錢一十六貫指揮每月特支米三石

七寺

丞行三十二貫

祕書郎

行三十二貫守二

太常博士

同

守二十貫

十貫試一十八貫

七

寺著作佐郎

同祕書郎

國子監丞

同七寺丞

大理司直評事

同著作郎

少府將作都水監丞

行三十貫守十八貫

祕書省校書郎

行十八貫守十

六貫試

正字

行十六貫守十四貫

御史臺檢法主簿九寺簿

十四貫

五貫試十四貫

行二十貫

行二十貫守十八貫

諸王宮大小學教授太武學博士

行二十貫守十八貫

試十六貫今諸王府翊善贊律學博士

行十八貫守十

七貫試十六貫

讀直講記室料錢並支見錢

七貫試十六貫

太常寺奉禮郎

十六貫

太常寺太祝郊社令

行十八貫守十六貫

官令

十八貫

五監主簿

行十八貫
守十六貫

太學正錄武學諭

行十八貫

守十七貫
試十六貫
律學正

行十六貫
守十五貫
試十四貫

密院官屬都承旨承

旨料錢四十貫職錢三十貫承旨二十五貫春服羅一
疋小綾三疋絹十五疋冬服小綾五疋絹十五疋綿

五十副都承旨

料錢三十貫職錢二十貫副承旨諸房
副承旨十五貫若諸房副承旨同主管

承旨司公事加五貫春衣羅一疋
絹一十五疋冬絹同綿三十兩

檢詳諸房文字

職錢三十

五貫厨食錢計議編修官
每日五百文

添支錢十貫第三等折食錢
二十五貫厨食錢每日計五

凡諸職事官職錢不言行守試者准行給職事官

衣如寄祿官例及無立定則例者隨寄祿官給職料錢

米麥計實數給兩應給者

謂職錢米麥

從多給諸承直以下

充職事官

謂大理司直評事祕書省正字太學博士正錄武學博士諭律學博士正

聽支階

官請受及添給諸稱請受者謂衣糧料錢餘並為添給

舊制觀文殿大學士三十貫

米三石麵五石

觀文殿學士資政

保和殿大學士二十貫

米三石麵五石

資政保和殿學士十五

貫

米三石麵五石同上春冬小綾各五疋絹各十七疋春羅一疋冬綿五十兩

龍圖天章寶

文顯謨徽猷敷文閣學士直學士十五貫

春冬小綾各二疋絹各十

五疋春羅一疋冬綿五十兩

寶和殿龍圖天章寶文顯謨徽猷敷文

閣待制同先是大觀或言添支厚薄不均其後自學士

而下改名貼職錢觀文殿大學士

貼職錢一百貫文米麥各二十五石添支

米三石麵五石

觀文殿學士及資政保和殿大學士

貼職

方子茶二斤

錢八十二貫米麥同添

資政保和殿學士

貼職錢七十貫米麥同添

支錢十貫添支米麥同

支麵同方子茶二斤春冬綾五疋絹十七疋綿五十兩羅一疋

端明殿學士

貼職錢五十貫米麥

二十石添支米三石麵五石方子茶二斤春冬綾五疋絹一十七疋羅一疋冬綿五十兩

龍圖天章

寶文顯謨徽猷敷文閣學士樞密直學士

正三品貼職錢四十貫米

麥各四十石添支米二石麵五石方子茶二斤龍圖天章冬綾五疋絹一十七疋春羅一疋冬綿五十兩

章寶文徽猷敷文閣直學士保和殿待制

貼職錢三十貫米麥各十

七石五斗春冬綾各三疋絹十疋春羅一疋冬綿五十兩

龍圖天章寶文顯謨徽

猷敷文閣待制

貼職錢二十貫米麥各十二石五斗春冬綾各三疋絹十五疋春羅一疋冬綿

五十兩集英殿修撰祕文殿修撰祕閣修撰

以上貼職錢各十五貫

直龍圖天章寶文閣直顯謨徽猷敷文閣直祕閣

以上貼職

錢各十貫

宣和間罷支貼職錢仍舊制添支紹興因之令諸

觀文殿大學士至保和殿大學士料錢春冬服隨本官
資政殿大學士至待制料錢隨本官春冬服從一多給

又諸學士添支錢曾任執政官以上者在京外任並支其餘在京支外任不支米麵茶炭俸馬僉人衣糧內外任並給酒添支馬草料外任勿給外此有依祖例添支如六部尚書而下職事官八等第支厨食錢自十五貫至九貫凡四等並依宣和指揮修書官折食錢監修國史四十貫史館修撰直史館本省長貳三十七貫五百檢討著作三十五貫並依自來體例

有特旨

添支

如紹興元年指揮館職寺監直簿評事臺法主簿寺正司直博士添職錢十貫文六年指揮五寺三

監祕書大宗正丞太常博士著作祕書校書郎著作佐郎正字大理寺正司直評事臺簿刪定官檢鼓奏告院特支米三石計各有序次其在外知判州府軍監等分議編修官二石

曹列屬等第多寡有以州望者荆南永興江寧揚潭州

三十千鳳翔洪州二十千

廣州知州七百人逐月均給任成都府給鐵錢三百千梓

州二百千餘州約銅錢數給

有以都總管經畧安撫等使者河北四

路真定府路知真定府高陽關路知瀛州

陝西逐路永

路知永興軍緣邊秦鳳路兼知秦州涇原路知渭州環慶路知慶州鄜延路知延州

河東路

知太原府

前任兩府並五十千大中大大夫待制以上三十千

並特添二

十千知大名府如常河北路安撫使同知并州帶學士即五十千無特給

三路管幹機宜文

字朝官十千京官七千知桂州充廣南西路都鈐轄經

畧安撫使自大中大夫以上三十千

朝臣充廣西路兵馬都鈐轄兼本路

安撫管幹經畧司公事即二十千

河北沿邊安撫副使都監以橫行使

充三十千

自橫行副使并武功大夫至敦武郎以上充二十千兼義郎閤門祇候充都監郎十五千

同管幹河東沿邊安撫司公事以橫行副使至敦武郎

以上二十千

兼義祇候十五千

通判大藩京朝官有二十千至

十千者餘州軍十千至七千者京官七千

京官通判成都府給鐵錢

八十千京官六十千朝官通判成都府梓州夔路州軍府給鐵錢七十千京官五十千

簽判朝官

十千京官七千

朝官簽判成都梓州給鐵錢七十千京官五十千

三路都轉運

使淮南荆浙江湖制置茶鹽礬稅都大發運使大中

夫待制中散大夫以上三十千朝官充發運使副二十

千武功大夫至武翼郎充發運使副都監同朝官充判官十千三門白波發運使朝

官二十千朝官充判官十千京官七千諸路轉運使副朝官二十千

任成都梓州夔路給鐵錢自六十千至四十千凡三等府界并諸路州府軍監縣

鎮監當朝官七千京官五千至四千有二等武功大夫

以下至進義校尉自十千至三千凡七等朝官任川峽州府軍監給

鐵錢五十千京官三十千至二十五千凡二等進義校尉以上成都梓州夔路自六十千至二十五千凡五等

朝官充陝西及江浙荆湖福建廣南提舉提點鑄錢等
公事自二十千至十五千凡二等朝官充都大提舉河
渠司幹當及提舉宮觀併催遣輦運催綱諸州監物務
等自十五千至七千凡三等

任川路給鐵錢七十千

京官充催促

輦運催裝斛斗綱船并諸州監物務等自七千至五千

凡二等

任川路給鐵錢五十千

都大提舉修護黃河防埽岸諸處

巡檢并監北京大內軍器庫并蔡河撥發催綱等並以
兩省供奉官以下至內品充自十千至三千凡七等凡

外任添給羊有二十口至二口凡六等米有二十石至二石凡七等麵有三十石至二石凡七等僉有二十人至二人凡七等馬有十匹至一匹凡六等 祿粟及隨

身元隨僕人之制宰相祿粟一百石

紹興三公侍中中書尚書令左右僕

射同平章事並為宰相

隨身七十人知樞密院事參知政事樞密

副使同知樞密院事祿粟一百石隨身五十人太師太

傅太保少師少傅少保一百石

舊制百五十石

隨身一百人太

尉一百石隨身五十人節度使

祿粟已具俸祿門

元隨五十人

承宣使

具俸
祿門

元隨五十人觀察使防禦使

見俸
祿門

元隨三十

十人團練使

見俸
祿門

元隨三十人諸州刺史

同上

元隨二十

人通侍大夫正侍大夫宣正大夫履正協忠中侍中亮

大夫

祿粟
具俸
祿門

捧日天武左右廂都指揮遙郡團練

使五十石僉十人

龍神衛右廂都指揮
使帶遙郡團練使同

殿前都班直都

虞候諸軍都指揮使遙郡刺史二十五石僉五人

神龍
衛都

軍都指揮使帶
遙郡刺史同

諸學士添支米麵已附於前今載觀文

殿大學士僉二十人觀文殿學士資政保和殿大學士

儻十人資政保和殿學士龍圖天章寶文顯謨徽猷敷

文閣學士儻七人樞密都承旨儻十人副都承旨諸房

副承旨七人其餘京畿守令幕職曹官自十石七石五

石至於二石各有等中書堂後官提點五房公事逐房

副承旨自七人五人至於一人各有數因仍前制舊史

已書凡任宰相執政有隨身太尉至刺史有元隨餘止

儻人紹興折色凡祿粟每名細色六斗

米麥中支管軍
給米六分麥四

分隨身元隨儻人糧每斗折錢三十文衣紬絹每疋一

貫布每疋三百五十文綿每兩四十文

職田 官品占田

孟子大國地方百里君十卿祿卿祿四大夫大夫倍上士上士倍中士中士倍下士下士與庶人在官者同祿祿足以代其耕也次國地方七十里君十卿祿卿祿三大夫大夫倍上士上士倍中士中士倍下士小國地方五十里君十卿祿卿祿二大夫大夫倍上士上士倍中士中士倍下士

朱子集註曰徐氏曰大國君田三萬二千畝其入
可食二千八百八十人卿田三千二百畝可食二
百八十八人大夫田八百畝可食七十二人上士
田四百畝可食三十六人中士田二百畝可食十
八人下士與庶人在官者田百畝可食九人至五
人次國君田二萬四千畝可食二千一百六十人
卿田二千四百畝可食二百一十六人小國君田
一萬六千畝可食千四百四十人卿田一千六百

畝可食一百四十四人愚按君以下所食之祿皆
助法之公田藉農夫之力以耕而收其租士之無
田與庶人在官者則但受祿於官如田之入而已
王制夫圭田無征

鄭氏曰夫猶治也征税也孟子曰卿以下必有圭
田治圭田者不稅所以厚賢也此則周禮之士田
以任近郊之地

晉武帝平吳之後有司奏詔書王公以國為家京城不

宜復有田宅今未暇作諸國邸當使城中有往來之處
近郊有芻藁之田今可限之國王公侯京城得有一宅
一處近郊田大國田十五頃次國十頃小國七頃城內
無宅城外有之皆聽留之其官品第一至於第九各以
貴職占田品第一者占五十頃第二品四十五頃三品
四十頃四品三十五頃五品三十頃六品二十五頃七
品二十頃八品十五頃九品十頃而又各以品之高卑
蔭其親屬多者及九族少者三世宗室國賓先賢之後

及士人子孫亦如之而又得蔭人以為衣食客及佃客
品第六已上得衣食客三人第七第八品二人第九品
及舉輦跡禽前驅由基强弩司馬羽林郎殿中冗從武
賁殿中武賁持推斧武騎武持鉞冗從武賁武騎一人
其應有佃客者官品第一第二者佃客無過五十戶三
品十戶四品七戶五品五戶六品三戶七品二戶八品
九品一戶晉書百官志諸公及開府位從公者給菜田
十頃騶十人立夏後不及田者食俸一年特進菜田八

頃騶八人立夏後不及田者食俸一年光祿大夫給菜
田六頃田騶六人尚書令太子太傅少傅給田騶並同
光祿

按孟獻子曰畜馬乘不察於雞豚伐冰之家不畜
牛羊百乘之家不畜聚斂之臣言公卿士夫既有
俸廩不當與民爭利也漢列侯封君食租稅歲卒
戶二百如千戶之君則二十萬可謂富矣而復效
富人廣畜田園如田蚡以外戚為相奉邑郇食收

多而且治宅田諸第田園極膏腴之類是也漢時亦未曾為之制至晉武詔王公以國為家京城不宜復有田宅欲為之限得古意矣然所謂城中有往來之地近郊有芻藁之田則似王制所謂湯沐之地且所限止於京城則王戎所謂園田水碓周徧天下者固未嘗為之限何邪

東晉寓居江左以來都下人多為諸王公貴人左右佃客典計衣食客之類

詳見官品占戶門

宋孝武時官品第一

第二聽占山三頃第三第四品二頃五十畝第五第六品二頃第七第八品一頃五十畝第九品及百姓一頃

詳見征權山澤門

魏制諸宰人之官各隨近給公田刺史十

五頃太守十頃治中別駕各八頃縣令郡丞六頃更代相傳賣者坐如律 隋文帝令自諸王以下至於部督皆給永業田各有差多者至百頃少者至三十頃其丁男中男永業露田皆遵後齊之制並課樹以桑榆及棗其田宅率三口給一畝京官又給職分田一品者給田

五項至五品則為田三頃其下每品以五十畝為差至九品為一項外官亦各有職分田又給公廨田以供用開皇八年高頴奏諸州無課調處及課州管戶數少者官人祿力乘前以來恒出隨近之州但判官本為牧人役力理出所部請於所管戶內計戶徵稅帝從之先是京官及諸州並給公廨錢迴易生利以給公用至是蘇孝慈等以為所在官司因循往昔皆以公廨錢出舉興生唯利是求煩擾百姓奏皆給地以營農迴易取利一

皆禁止十七年詔在京及在外諸司公廨在市迴易及諸處興生並聽唯禁出舉收利云 唐凡京諸司各有

公廨田司農寺

給二十
六頃

殿中省

二十
五頃

少府監

二十
二頃

太常

寺

二十
頃

京兆府河南府

各十
七頃

太府寺

十六
頃

吏戶部

各十
五頃

兵部內侍省

各十
四頃

中書省將作監

各十
三頃

刑部大理寺

各十
頃

二尚書都省門下省太子左春坊

各十
一頃

工部

十
頃

太僕寺祕書省

各九
頃

禮部鴻臚寺都水監太子詹事府

各八
頃

御史臺國子監京縣

各七
頃

左右衛太子家令寺

各六
頃

項衛尉寺左右驍衛左右武衛左右威衛左右領軍衛

左右金吾衛左右監門衛太子左右春坊各五項太子左

右衛率府太史局各四項宗正寺左右千牛衛太子僕寺

左右司衛率府左右清道率府左右監門率府各三項內

坊左右內率府率更府各二項在外諸司公廨田亦各有

差大都督府四十項中都督府三十項下都督都護上州各三

十項中州二十項官總監下州各十項上縣十項中縣八項下縣六項

上收監上鎮各五項上縣及中下收司竹監中鎮諸軍折

衝府

各四項

諸冶監諸倉監下鎮上關

各三項

牙市監諸屯

監上戎中關及津

各二項其津隸都水使者不給

下關

一項五十畝

中戎下

戎嶽瀆

各一項

諸京官文武職事各有職分田一品

十二項

二品

十三項

三品

九項

四品

七項

五品

六項

六品

四項

七品

三項

八品

十項

九品

二項

並去京城百里內給其京兆河南府

及京縣官人職分田亦准此

即百里內地少欲於百里外給者亦聽之

諸州

及都護府親王府官人職分之田亦各有等差二品十

項

三品

十四項

四品

八項

五品

七項

六品

五項

京城

七項

七品

四項

縣亦准此

八品

十項

三九品二頃五鎮戍關津獄瀆及在外監官五品五頃六

品三頃五七品三頃八品二頃九品一頃五三衛中郎將上

府折衝都尉各六頃中府五頃五下府及諸郎將各五頃上

府果毅都尉四頃中府三頃五下府三頃上府長史別將各三頃

中府下府各二頃五十畝親王府典軍五頃副典軍四頃千牛備

身左右太子千牛備身各二頃諸州上折衝府兵曹二頃中

府下府各一頃五十畝其外軍校尉一頃二旅帥一頃正副各八

十皆於領側州縣界內給其校尉以下在本縣及去家

百里內領者不給

其田亦借民佃植至秋冬受數而已

諸職分陸田限三

月三十日稻田限四月三十日以前上者並入後人以

後上者入前人其麥田以九月三十日為限各前人耕

未種後人酬其功直已自種者准租分法其價六斗已

下者依舊定不得過六斗並取情願不得抑配開元十

年六月勅所置職田本非古法爰自近制是以因循事

有變通應須刪改其內外所給職田從今年九月以後

並宜停給十八年六月京官職田特令准令給受復用

舊制

自大歷以來關中匱竭時物騰貴內官不給乃減外官職田三分之一以給京官俸每歲通計給文

武正員員外官及內侍省閑廐五坊南北衙宿衛并教坊內人家糧等凡給米七十萬石

宋天聖間詔罷天下職田悉以歲入租課送官具數上三司計直而均給之朝廷方議措置令未下天子閱具獄見吏以賄敗者多惻然傷之詔復給職田即毋得多占佃戶及無田而配出所租違者以枉法論後十餘年至慶歷中詔限職田有司始申定其數政和八年臣僚上言尚書省措置縣令自不滿五千戶至滿萬戶遞增

給職田一頃夫天下圭租多寡不均久矣縣令所得亦參差不齊多至九百斛如淄川之高苑八百斛如常州之江陰六百斛如常州之宜興自是而降或四五百或二三百凡在河北京東西荆湖之間少則有至三二十斛者閩廣有自來無圭租處川陝西路自守倅至簿尉又以一路歲入均給令獨不得而獨有今欲一槩增給一頃豈可得哉詔令職田頃畝未及條格者催促標撥乾道間臣僚言職田所以養廉亦或啓其不廉蓋交競

於差遣之時多取於收斂之日以其所以養廉者為貪也紹興間懼其不均則詔諸路提刑司依法標撥官多田少即於鄰近州縣通融項管數足又詔將空間之田為他司官屬所占者撥以足之仍先自簿尉始其有無職田選人并親民小使臣每員月支茶湯錢十貫文內雖有職田每月不及十貫者皆與補足所以厚養廉之利也懼其病民則委通判縣令覈實除其不可力耕之田損其已定過多之額凡職租不許輒令保正催納或

抑令折納見錢或無田平白監租或以虛數勒令代納
或額外數過多取皆申嚴禁止之令察以監司坐以贓
罪所以防其不廉之害也罷廢未幾而復舊拘借未久
而給還移充糴本轉收馬料旋復免行皆所以示優恩
厲清操也若其頃畝多寡且有成式知藩府

謂三京潁
昌京兆成

都太原建康江陵延安興仁隆
德開德臨安府秦陽潭廣州

二十頃發運轉運使副

總管總管知節鎮十五頃知餘州及廣濟淮陽無為臨
江廣德興國南康南安建昌邵武興化漢陽永康軍并

路分鈐轄十項發運轉運判官提舉淮南浙江南荆湖

東西河北路鹽事官通判藩府八項知餘軍及監并通

判節鎮州鈐轄安撫副使都監路分都監將官發運司

幹辦公事七項通判餘州及軍滿萬戶縣令六項藩府

判官錄事參軍州學教授

並謂承務郎以上者

都監發運轉運司

主管文字滿五千戶縣令副將官五項節鎮判官錄事

參軍州學教授

並謂承務郎以上者

轉運司主管帳司不滿五千

戶縣令滿萬戶縣丞餘州都監走馬承受公事主管機

宜文字同巡檢都大巡河提點馬監四項節度掌書記
觀察支使藩府及節鎮推官巡檢縣鎮寨都監監寨主
巡捉私茶鹽駐泊捉賊在城監當餘州判官州學教授
謂承務郎以上者 軍監都監三項五十畝軍監判官餘州推官

餘州及軍監錄事參軍巡檢縣鎮寨都監寨主巡捉私
茶鹽駐泊捉賊在城監當藩府及節鎮曹官州學教授
謂承直郎以上 滿五千戶縣丞滿萬戶縣簿尉巡轄馬遞鋪鎮


寨監當及監堰三項餘州及軍監曹官州學教授

謂承直郎

以上不滿五千戶縣丞滿五千戶縣尉簿巡轄馬遮鋪縣
鎮寨監當及監堰二頃五十畝不滿五千戶縣簿尉巡
轄馬遮鋪縣鎮寨監當及監堰二頃



文獻通考卷六十五



總校官庶吉士臣張能照

校對官檢討臣郭寅

謄錄監生臣劉垠